



OPĆINA OLOVO
Općinski načelnik

OLOVO MUNICIPALITY

Broj: 02-11-13-1194-7/26

Datum: 11.06.2026.godine

Na osnovu člana 70. Zakona o javnim nabavkama u BiH („Sl. glasnik BiH“, broj: 39/14, 59/22 i 50/24), u postupku javne nabavke, Općinski načelnik, *donosi*

O D L U K U
o izboru najpovoljnijeg ponuđača

U postupku javne nabavke otvoreni postupak, broj obavještenja e-nabavki: 732-1-3-84-8-19/26 od 12.05.2026.godine u predmetu javne nabavke odabir ponuđača za "**Opremanje audio i video opremom multifunkcionalne sale u Olovu**" izabran je "**AVC**" d.o.o. Sarajevo, Azize Šaćirbegović br.7, 71 000 Sarajevo.

O b r a z l o ž e n j e

Rješenjem, broj: 02-11-13-1194-3/26 od 12.05.2026.godine, imenovana je komisija za javnu nabavku iz tačke 1. ove Odluke.

Komisija za provedbu postupka javne nabavke zaprimila je 2 (dvije) ponude.

Ponuda ponuđača "IMTEC" d.o.o. Sarajevo, Stari Ilijaš 201, 71 380 Ilijaš je odbijena jer je **nepravilna** i ne ispunjava uslove utvrđene tenderskom dokumentacijom.

Naime, u tenderskoj dokumentaciji za nabavku „Opremanje audio i video opremom multifunkcionalne sale u Olovu“, u tački 5.4.1., tehničke i profesionalne sposobnosti, a u skladu sa članovima 48. i 51. Zakona o javnim nabavkama Bosne i Hercegovine, propisani su uslovi koje su ponuđači bili dužni dokazati dostavljanjem odgovarajućih dokaza.

Kao jedan od uslova propisano je da ponuđač raspolaže diplomiranim inženjerom elektrotehnike sa položenim stručnim ispitom nakon sticanja diplome, te je u tu svrhu bio obavezan dostaviti odgovarajući dokaz – uvjerenje o položenom stručnom ispitu. Uvidom u sadržaj ponude utvrđeno je da ponuđač nije dostavio navedeni dokument, zbog čega nije dokazao ispunjavanje predmetnog uslova tehničke i profesionalne sposobnosti.

Također, tenderskom dokumentacijom je bilo propisano da ponuđač dostavi ovlaštenje proizvođača (original ili kopiju) kojim se potvrđuje da je ovlašten za prodaju predmetne robe, te da postoji ovlašteni servis za navedenu robu na području BiH (tačka 5.4.1.g.). Pregledom ponude utvrđeno je da ni ovaj dokument nije dostavljen, čime ponuđač nije dokazao ispunjavanje još jednog od zahtjeva propisanih tenderskom dokumentacijom.

Komisija za javnu nabavku je, nakon izvršenog pregleda i ocjene ponude, utvrdila da ponuđač nije dostavio dokaze koji su bili izričito zahtijevani tenderskom dokumentacijom radi dokazivanja tehničke i profesionalne sposobnosti. S obzirom na navedeno, ponuđač nije dokazao da ispunjava uslove za učešće u predmetnom postupku javne nabavke.

Imajući u vidu da nedostavljeni dokumenti predstavljaju dokaze o ispunjavanju uslova tehničke i profesionalne sposobnosti, a ne formalne nedostatke koji bi se mogli smatrati beznačajnim, Komisija je zaključila da ponuda ne ispunjava zahtjeve iz tenderske dokumentacije. Shodno tome, ponuda je ocijenjena kao nepravilna te se ista odbacuje iz daljeg postupka ocjene ponuda.

Komisija je sačinila rang listu prema redosljedu ispravnih odnosno važećih ponuda:

1. Rangiranje ispravnih ponuda prema kriteriju za odabir ponude:

R/B	Ponudač- naziv firme	Ponuđena cijena bez PDV-a (KM)	Rang
1.	"AVC" d.o.o. Sarajevo, Azize Šaćirbegović br.7, 71 000 Sarajevo	85.462,00	1

S obzirom na to da su ispunjeni Zakonski uslovi i da je "AVC" d.o.o. Sarajevo, Azize Šaćirbegović br.7, 71 000 Sarajevo ponudio najnižu cijenu nabavke iz tačke 1. ove Odluke odlučeno je kao u dispozitivu ove Odluke.

POUKA O PRAVNOM LIJEKU:

U skladu sa članom 99. i 101. Zakona o javnim nabavkama u BiH („Sl. glasnik BiH“, broj: 39/14, 59/22 i 50/24) ponuđači koji smatraju da je ugovorni organ u toku postupka javne nabavke izvršio povredu odredbi Zakona ili podzakonskih akata, a učestvovali su u postupku javnog nadmetanja, radi zaštite svojih prava, mogu u roku od 10 dana od dana prijema obavještenja o izboru najpovoljnije ponude, podnijeti žalbu Općini Olovo. Žalba se podnosi najmanje u tri primjeraka, u pismenoj formi neposredno ili preporučeno poštanskom pošiljkom na adresu Općine Olovo.

Obrađivač akta:
Arma Hasanspahić



Dostavljeno:

1. AVC d.o.o., ul. Azize Šaćirbegović br.7, 71 000 Sarajevo
2. IMTEC d.o.o., Stari Ilijaš 201, 71 380 Ilijaš
3. Stručni saradnik za odnose sa javnošću
4. Evidencija
5. a/a